

ՖԵԼԻՔՍ ՏԵՐ-ՄԱՐՏԻՐՈՍՈՎԻ «ՀԱՅԱՍՏԱՆԸ Մ. Թ. Ա. 522–520թթ.
ԱՊՍԱՍԱՐՈՒԹՅԱՆ ԺԱՄԱՆԱԿ» ՀՈԴՎԱԾԻ ՄԱԱԻՆ

ՀՈՎՀԱՆՆԵՍ ԿԱՐԱԳՅՈԶՅԱՆ

Ֆելիքս Տեր-Մարտիրոսովի տպագրության ներկայացված աշխատանքը, անկախ նկատված թերություններից, անհրաժեշտ է տպագրել:

1. Հոգվածում կան բավական հետաքրքիր և ուշադրության արժանի կետեր, մանավանդ Դադարչիչի մասին հայտնած նրա կարծիքը, ըստ որի նա եղել է Իրանի կողմից Հայաստանում նշանակված իշխանավորներից մեկը՝ նախքան հայտնի խռովությունները: Սա շատ կարևոր դիտարկում է, որը, գոյություն ունի, չի զարգացվել: Հավանաբար, թե՛ Դադարչիչը, թե՛ Վահոմիսան եղել են Իրանի կողմից նշանակված սատրապներ Հայաստանի տարբեր մասերում: Հենց այդ է պատճառը, որ Հայաստան են ուղարկվում միաժամանակ երկու զորահրամանատար՝ յուրաքանչյուրը իր տիրույթում ապստամբությունը ճնշելու համար: Նման երևույթ հանդիպում է նաև հետագայում, երբ Հայաստանի երկու ստրատեգները հենց իրենք են ապստամբում և անկախություն հռչակում՝ յուրաքանչյուրն իր տիրույթում՝ Հայաստանում Արտաշես I-ը (189–161), Ծոփքում՝ Զարեհը:

2. Անհրաժեշտ է նկատի ունենալ նաև, որ հայերը ոչ թե հինգ ճակատամարտ են տալիս իրար ետևից, այլ այդ ճակատամարտերը տալիս են երկու զորաբանակները՝ առանձին-առանձին: Ծակատամարտերի ժամանակն ու տեղերը հետևյալներն են.

ա) 522թ. դեկտեմբերի 31, Իզալա մարզում (Վահոմիսա).

բ) 521թ. մայիսի 21, Զուգախայում (Դադարչիչ).

գ) 521թ. մայիսի 30, Տիգրա ամրոցի մոտ (Դադարչիչ).

դ) 521թ. հունիսի 12, Առևտիյարա մարզում (Վահոմիսա).

ե) 521թ. հունիսի 21, Ույամա ամրոցի մոտ (Դադարչիչ):

Այսպիսով, Վահոմիսան սկսում է մարտը 522թ. դեկտեմբերի 31-ին, բայց երկար ժամանակ մնում է տեղում՝ կամ ձմեռվա պատճառով, կամ համալրում ստանալու համար: Վահոմիսան իր երկրորդ ճակատամարտը տալիս է ավելի քան հինգ ամիս անց, երբ Հայաստանում արդեն տաք էր, 521թ. հունիսի 12-ին: Սբանով էլ Վահոմիսայի անելիքը վերջանում է:

Ինչ վերաբերում է Դադարչիչին, ապա նա իր երեք ճակատամարտերը տալիս է շատ կարճ ժամանակում՝ 521թ. մայիսի 21-ից մինչև հունիսի 21-ը, այսինքն՝ ուղիղ մեկ ամսում:

Նկատենք, որ Վահոմիսայի առաջին ճակատամարտի վայրը՝ Իզալան, գտնվում է Արևմտյան Տիգրիսի մոտակայքում, գետից հարավ: Այն հիշատակվում է նաև սեպագիր այլ աղբյուրներում՝ ասուրերենում (Իզալա, Իծալա և այլն), ուրարտերենում (Իշալա), նաև խեթերենում: Սակայն, Իզալա-Իշալա մարզը, եթե սեպագիր աղբյուրներում վկայվում է

Արևմտյան Տիգրիսի արևմտյան կողմերում, ավելի մոտ Եփրատին, ապա բյուզանդական աղբյուրներում այն (որպես ամրոց) գտնվում է Տիգրիսների միախառնման վայրի մոտերքում, որպես Իձալաս: Անհրաժեշտ է հիմնովին ստուգել, թե Վազումիսան ո՞ր ուղղությամբ է ներխուժել Հայաստան՝ Տիգրիսով, թե ավելի արևմուտքով: Դժբախտաբար, Առևտրյարա մարդը տեղորոշել հնարավոր չէ, ուստի կարող ենք ենթադրել, որ Վազումիսան Հայաստան է ներխուժել հարավ-արևմուտքից:

Իսկ ինչ վերաբերում է Դադարչիչի երեք ճակատամարտերին, ապա նրանք եղել են Զուղախիայում, Տիգրայում և Ույամայում: Ենթադրվում է, որ այս երեքից երկրորդը՝ Տիգրան, պետք է որ լինի Տիգրիսի մոտակայքում, իսկ մյուսների տեղադրությունը վիճելի է: Սակայն, մեր կարծիքով, վիճելի է նաև հենց Տիգրայի տեղադրությունը: Եթե Վազումիսան եկել է Տիգրիսով և երևի մտնելու էր Բաղեչի լեռնանցքը, ապա Դադարչիչը չէր կարող Տիգրիսի մոտերքում լինել: Եթե նկատի ունենանք Հնչյունական օրինաչափությունները, ապա Տիգրա անվանումը ավելի շատ կհամընկնի Տայգրյան գավառի անվան հետ, որը միանգամայն ամեն ինչ կդնի իր տեղը: Այսինքն, Դադարչիչը դալիս է արևելքից և նպատակ ունի մտնել Տուշալայի շրջակայքը: Սա արդեն միանգամայն բնական է:

3. Պակաս հետաքրքիր չէ նաև Խալգիտայի որդի Արախայի հարցը: Այստեղ կա մի շատ կարևոր հանգամանք, որը վերիպել է բոլոր ուսումնասիրողների աչքից: Յուրաքանչյուր թշնամու մասին ասվում է մոտավորապես հետևյալը. այսինչը ասպտամբեց այսինչ քաղաքում և իրեն հուշակեց թագավոր: Շատ օրինական է թվում: Ասկայն, երբ խոսքը հասնում է Արախային, նման բան չի ասվում: Պարզվում է, որ նրա մասին ասվում է այսպես. Արախան գրավեց Բաբելոնը և իրեն հայտարարեց թագավոր: Ուստի, Արախան նախապես Բաբելոնում չի եղել: Իսկ որտե՞ղ է եղել: Որպեսզի հարցը հարթեն, առաջ է քաշվում այսպիսի մի վարկած, թե Բաբելոնում կար մեծաքանակ հայկական բնակչություն, որն ապստամբեց և Արախան իրեն թագավոր հռչակեց: Ասկայն նման դեպքում Բաբելոնը դրավելու փաստը բոլորովին անտեսվում է և առհասարակ չի էլ նկատվում: Այնուամենայնիվ, Վազումիսայի դանգաղումը արդյո՞ք կապ չունի Արախայի՝ Բաբելոնը գրավելու փաստի հետ: Արդյո՞ք Արախան չի ընդհարվել Վազումիսայի հետ, ցրել նրա զորքը, առաջ շարժվել դեպի Բաբելոն և գրավել այն: Չնայած դժվար թե, բայց տվյալ ժամանակաշրջանում, երբ Իրանը մասնատվել էր, նման արշավանք, թերևս, հնարավոր էր: Սակայն հարցը սկզանջում է լուրջ ուսումնասիրություն, խիստ բազմակողմանի քննություն:

4. Հայկական զորքը Հայաստանում չինելու հարցը և Դադարչիչի ու Վազումիսայի առանց զորքի Հայաստան գալու վարկածը քննության չի դիմանում, քանի որ ճակատամարտերը տեղի են ունենում հենց Հայաստանի սահմանների վրա: Ուրեմն, Դադարչիչն ու Վազումիսան դալիս են զորքով, ընդ որում, ոչ թե հայկական, այլ պարսկական, և կռվում են հայկական ապստամբների կամ զորքի դեմ: Ասվում է նաև, որ Հայաստանում ապստամբածները ոչ թե հայերն են եղել, այլ պարսկական կայադորերը, որը միանգամայն անհավատալի է, թեև դա իր որոշակի հիմքն ունի: Թա-

գավորը ուղարկելով իր զորարանակները, Դադարչիչին ու Վահումիսային ասում է. «Գնա՛, նվաճիր այն զորքը, որը չի ուզում իրեն իմը համարել»։ Իհարկե, այստեղ «զորք» բառը կարող է նման եզրակացության հանգեցնել ուսումնասիրողին, սակայն, կա մի բան, որ ամեն ինչ կարող է իր տեղը գնել. անհրաժեշտ է գիտենալ, որ Հին պարսկերենում *kara* բառը, որ այստեղ թարգմանված է «զորք», ունի նաև «ժողովուրդ» իմաստը։ Ուստի, ոչ թե «Դնա՛, նվաճիր այն զորքը...», այլ «Գնա՛, նվաճիր այն ժողովուրդը...»:

5. Խիստ կարևոր է նաև Գառմատա մոդի հարցը։ Պետք է ասել, որ այս մասին արգեն նոր նյութեր կան, որոնք գուցե վերաբերում են հենց Գառմատային, նույնիսկ պարսկական սեսլագրերի ստեղծման հարցերին։ Իրանում հայտնաբերված մի դամբարանում դնված մոմիան և սեսլագիր արձանագրությունները ցույց են տալիս, որ հանդուցյալը Գառմատան է։ Այնտեղ հանդիպում է «մագուչ» բառը, նաև հետևյալ արձանագրությունը. բա գա. սա զա, դու րա. հա րու բա. այսինքն՝ «Աստված Սազադուրան դաժան(?) (է)»։ Ընդ որում Սազադուրա աստվածը իրանական դիցարանի ընդդեմնյա (սնդադամետի) աստվածությունն է, որը ոչ մի տեղ չի հիշատակվում, բացի այս դամբարանի արձանագրությունից։ Այս դամբարանի դրությունները, նյութերը, սարկոֆագն ու մոմիան չատ բանով կօգնեն նաև հայագիտության բազմաթիվ հարցեր նորովի լուսաբանելու համար։